

ს.ბ. ქსეცე  
სააგნო



## საქართველოს მთავრობის ბანკარგულეა

№615 2018 წლის 16 მარტი ქ.თბილისი

2018-2019 წლების განმავლობაში უწყვეტი კვების წყაროების სახელმწიფო შესყიდვის კონსოლიდირებული ტენდერის საშუალებით განხორციელების თაობაზე

შემსყიდველი ორგანიზაციების მიერ 2018-2019 წლების განმავლობაში უწყვეტი კვების წყაროების სახელმწიფო შესყიდვის საჭიროების შესახებ მოწოდებული ინფორმაციის, უწყვეტი კვების წყაროების 2017-2018 წლების კონსოლიდირებული ტენდერის შედეგის ანალიზისა და საბიუჯეტო სახსრების რაციონალური ხარჯვის პრინციპის გათვალისწინებით:

1. „სახელმწიფო შესყიდვების შესახებ“ საქართველოს კანონის 20<sup>2</sup> მუხლის შესაბამისად, 2018-2019 წლების განმავლობაში უწყვეტი კვების წყაროების სახელმწიფო შესყიდვის განსახორციელებლად ჩატარდეს კონსოლიდირებული ტენდერი სახელმწიფო შესყიდვების ერთიანი ელექტრონული სისტემის მეშვეობით.

2. „სახელმწიფო შესყიდვების შესახებ“ საქართველოს კანონის 19<sup>1</sup> მუხლის პირველი პუნქტის შესაბამისად, 2018-2019 წლებში უწყვეტი

სსიპ	საქართველო
შესყიდვების სააგენტო	
შეოსკლის №	2559
" 19 "	03 2018

კვების წყაროების სახელმწიფო შესყიდვის კონსოლიდირებულ ტენდერში სატენდერო წინადადების წარდგენისათვის განისაზღვროს საფასური 2000 ლარის ოდენობით, ხოლო იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, აღნიშნულიდან არა უგვიანეს 60 კალენდარული დღის განმავლობაში ხელმეორედ გამოცხადებულ კონსოლიდირებულ ტენდერში შეწყვეტილ ან უარყოფითი შედეგით დასრულებულ კონსოლიდირებულ ტენდერში მონაწილე პრეტენდენტისთვის სატენდერო წინადადების წარდგენის საფასური განისაზღვროს 200 ლარის ოდენობით.

3. საჯარო სამართლის იურიდიულმა პირმა – სახელმწიფო შესყიდვების სააგენტომ უზრუნველყოს უწყვეტი კვების წყაროების 2018-2019 წლების კონსოლიდირებული ტენდერის სატენდერო დოკუმენტაციის მომზადება და კონსოლიდირებული ტენდერის ჩატარებისათვის კანონმდებლობით დადგენილი სხვა აუცილებელი სამართლებრივი და ორგანიზაციული ღონისძიებების განხორციელება.

4. უწყვეტი კვების წყაროების 2018-2019 წლების კონსოლიდირებული ტენდერის ჩატარებისა და მისი შემდგომი ადმინისტრირების მიზნით, შეიქმნას კონსოლიდირებული ტენდერის სატენდერო კომისია, დამტკიცდეს მისი თანდართული შემადგენლობა და საქმიანობის წესი.

**პრემიერ-მინისტრი**




**გიორგი კვირიკაშვილი**

დამტკიცებულია  
 საქართველოს მთავრობის  
 2018 წლის 16 მარტის  
 №615 განკარგულებით



დანართი

**უწყვეტი კვების წყაროების 2018-2019 წლების კონსოლიდირებული ტენდერის სატენდერო კომისიის შემადგენლობა და საქმიანობის წესი**

1. უწყვეტი კვების წყაროების 2018-2019 წლების კონსოლიდირებული ტენდერის სატენდერო კომისია (შემდგომში – სატენდერო კომისია) შექმნილია უწყვეტი კვების წყაროების 2018-2019 წლების კონსოლიდირებული ტენდერის ჩატარებისა და მისი შემდგომი ადმინისტრირების მიზნით.

2. ბაზრის კვლევის შედეგებზე დაყრდნობით, კონსოლიდირებული ტენდერის თავისებურებებიდან და სახსრების რაციონალური ხარჯვის პრინციპიდან გამომდინარე, სატენდერო კომისია უფლებამოსილია, განკარგულების პირველ პუნქტში განსაზღვრული ვადის განმავლობაში ჩაატაროს ერთი ან რამდენიმე კონსოლიდირებული ტენდერი.

3. სატენდერო კომისიის შემადგენლობაში შედიან:

**ილია ბეგიაშვილი** – საქართველოს მთავრობის ადმინისტრაციის ადმინისტრაციული მართვის დეპარტამენტის უფროსი, სატენდერო კომისიის თავმჯდომარე;

**ლევან რაზმაძე** – სსიპ – სახელმწიფო შესყიდვების სააგენტოს თავმჯდომარე, სატენდერო კომისიის თავმჯდომარის მოადგილე;

**ნოდარ ხადური** – სსიპ – კონკურენციის სააგენტოს თავმჯდომარე, სატენდერო კომისიის წევრი;

გიორგი თაბუაშვილი – საქართველოს ფინანსთა მინისტრის პირველი მოადგილე, სატენდერო კომისიის წევრი;

გიორგი ბუთხუზი – საქართველოს თავდაცვის მინისტრის მოადგილე, სატენდერო კომისიის წევრი;

რომეო მიქაუტაძე – საქართველოს ეკონომიკისა და მდგრადი განვითარების მინისტრის მოადგილე, სატენდერო კომისიის წევრი;

ლევან კაკავა – საქართველოს შინაგან საქმეთა მინისტრის მოადგილე, სატენდერო კომისიის წევრი;

ვასილ ჯანჯღავა – საქართველოს იუსტიციის სამინისტროს ეკონომიკური დეპარტამენტის უფროსი, სატენდერო კომისიის წევრი.

4. სატენდერო კომისიას ხელმძღვანელობს სატენდერო კომისიის თავმჯდომარე, მისი არყოფნის შემთხვევაში – თავმჯდომარის მოადგილე, ხოლო მოადგილის არყოფნისას, თავმჯდომარის დავალებით – სატენდერო კომისიის ერთ-ერთი წევრი.

5. სატენდერო კომისიის სხდომა უფლებამოსილია, თუ მას ესწრება სატენდერო კომისიის წევრთა სიითი შემადგენლობის ნახევარზე მეტი. სატენდერო კომისიის სხდომაზე გადაწყვეტილება მიიღება კომისიის დამსწრე წევრთა ხმათა უმრავლესობით, მაგრამ არანაკლებ სიითი შემადგენლობის ხუთი წევრისა. სატენდერო კომისიის სხდომა ტარდება საჭიროებისამებრ.

6. სატენდერო კომისიის მიერ სხდომაზე მიღებული ნებისმიერი გადაწყვეტილება ფორმდება ოქმით, რომელიც შესაძლებელია, შეთანხმდეს, როგორც ელექტრონული, ასევე მატერიალური ფორმით, რომელსაც ხელს აწერს კომისიის ყველა დამსწრე წევრი. კომისიის წევრთა ხელმოწერა არ არის სავალდებულო იმ შემთხვევაში, თუ ოქმი თანხმდება ელექტრონული ფორმით.

7. სატენდერო კომისიის სხდომის ოქმის შეთანხმება ელექტრონული ფორმით ხორციელდება შემდეგი ელექტრონული ფოსტის – [ups2018@spa.gov.ge](mailto:ups2018@spa.gov.ge)-ის მეშვეობით. აღნიშნული ელექტრონული ფოსტის

მეშვეობით წარდგენილი კორესპონდენცია წარმოადგენს იურიდიული ძალის მქონე დოკუმენტებს.

8. სატენდერო კომისიის წევრი, რომელიც არ ეთანხმება სატენდერო კომისიის გადაწყვეტილებას, უფლებამოსილია, წერილობით წარადგინოს თავისი აზრი, რომელიც უნდა დაერთოს სატენდერო კომისიის გადაწყვეტილებას.

9. სატენდერო კომისიის გადაწყვეტილება იმ საკითხებთან დაკავშირებით, რომლებიც არ საჭიროებს კომისიის სხდომის მოწვევას, შესაძლებელია, მიღებულ იქნეს შემდეგი ელექტრონული ფოსტის მეშვეობით – [ups2018@spa.gov.ge](mailto:ups2018@spa.gov.ge). აღნიშნული ელექტრონული ფოსტის მეშვეობით წარდგენილი კორესპონდენცია წარმოადგენს იურიდიული ძალის მქონე დოკუმენტებს.

10. სატენდერო კომისიის ორგანიზაციულ საქმიანობას უზრუნველყოფს საჯარო სამართლის იურიდიული პირი – სახელმწიფო შესყიდვების სააგენტო.